

光緒十六年重刊

# 花縣志

板存省城學  
院前壁經堂

創輯花縣志序

古者列國皆有史紀事  
編年所以明天道誌人  
事垂法戒而著得失者  
莫大乎是自郡縣旣分

花縣志序

光緒十六年重刊

一

守土之吏旣不同於列  
爵惟五之君安敢比例  
而爲之史然我疆我理  
土田人民山川風俗禮  
樂政教誰實司之而不

敢使之湮沒而無所依  
據此州郡邑志之所由  
昉乎况自天地開闢以  
來城郭人民月增歲廓  
代有創興封域攸分則

紀載亦異例也百粵古  
號南交山海交錯賁黑  
所隸東北境舊名花山  
層峯疊巘與南海三水  
清遠從化英德增城龍

門接壤中多積盜蔓延  
起伏毒流數邑前此屢  
起伏毒流數邑前此屢  
議設治不果百十年來  
議剿無功議撫無効民  
靡有寧宇焉今

聖天子文德誕敷東西朔南  
海隅日出之邦咸稟聲  
教邇者臺灣夏門海外  
之地皆束首受吏而郡  
縣置之矣迺天祚治平

頑梗悉化二十一年

撫憲下採輿情會同

督憲

將軍合詞

題請於花山添設縣治二

花縣志序

光緒十六年重刊

四

十三年

給諫王 典試入粵復

命特疏再陳獲蒙

俞旨二十五年析南海番禺

一縣地創立花邑名菲

材下吏濫午肄水數載  
庸庸謬承

兩憲交薦賢能調治新邑  
既無理煩治劇之才實  
匪錯節盤根之器受事

以來冰兢夙夜惟恐隕  
越厥職以爲薦舉羞茲  
邑乘例當創始以垂久  
遠遂與廣文僚屬暨邑  
中人士參互考輯爰有

成書上而星野之分躔  
下而山川之險易中而  
士習民風以及賦役鹽  
鹺水利之數典禮之則  
物產之宜一寓目間而

如見焉嘗稽王制有云  
廣谷大川異制民生其  
間者異俗昔先王之時  
巡方岳也陳詩納賈以  
觀民風覘好尚因爲之

隨地敷施修教齊政以  
範俗宜民後之讀斯志  
者可以知人情可以明  
士俗變通立法使之風  
移俗易日改月化而不

自知豈猶虞有求幽室  
而亡其燭耶若夫人才  
迭出風氣日升則後之  
視今猶今之視昔焉是  
在司政教者矣因弁簡

端以俟後之君子有所  
考云

皆

康熙二十六年歲在丁卯  
菊月之吉知花縣事三

花縣志序

光緒十六年重刊

八

韓王承名譔

花縣志序

從來建非常之功樹千古之烈者有其時有其機時者何當其可之謂也機者何適其會之謂也非時不立非機不行惟以大有爲之才適當其會而天若設時與機以待之則設城郭建都邑尤其大焉者也有熊氏畫野分疆而後封建日開秦置郡縣改封建於是周秦而上西北長而東南縮漢唐而下西北縮而東南長豈地有古今之殊耶國家景運

花縣志

黃序

光緒十六年重刊

一

方昌天必篤生偉人以成不刊之績如泰伯地號勾吳淮徐舊稱楚服鳩茲爲有苗負固之地今皆聲名文物並駕中州此非天自能開地自能闢端藉人焉以廓而大之匪偶然也 粵古號揚州星躔牛女周赧王

師隅創建廣州城池稱南武任囂  
繼增修迄漢築番禺城於郡南夙隸  
今遂爲名邑其治地南達海洋東北  
峻嶺則今之所稱花山者是也披圖

北接壤清從西南接壤南海三水萑苻之所窟穴天險羊腸莫有能窺之者前此歷年久遠未暇深論故明三百餘年起滅靡常剿撫屢行莫可遏絕番清從三不治之說所由然矣近則賊魁陳學進等燔巢劫擄水陸罹殃康熙十二年有征剿之役番禺邑侯王公之麟拉以偕行軍於正逕仰見羣峯插天林木杲阻迴環相度惟有設邑建城可握喉吭王侯稱善復虞力役繁興遂不果壬戌試禮闈

花縣志

黃序

光緒十六年重刊

一一

江右諸同人語予曰

撫軍李公有東粵之

命粵人其有慶乎竊喜之抵省之期

撫軍已下車三閱月矣旣而進謁堂下 公邑

溫而禮恭諄諄然以江右民物雨暘稼穡下

詢因思諸同人之言若惓惓然不忍釋者

公之感人深矣於時

制府大司馬大中丞吳公新膺

簡命開府端州仁政宏敷兩粵歌功頌德乃退而

思曰仁賢相濟庶幾芻議可售獻之  
撫軍會商於  
制府大司馬  
鎮守大將軍王  
副都統巴 俯從未議合請於  
朝二十四年  
給諫王公典試復  
命特疏再  
請得奉

花縣志

黃序

光緒十六年重刊

三

俞旨爰啓新疆疏請賢能

三水邑侯王公調治遁逃復還匿役逋租數  
月辦理萬姓歡欣嘗曠觀古今之勢亂必有  
治窮必有通花山之患至今日極矣然非  
聖天子嘉惠遐陬

諸大人體

國寧民諮謀入

告安能以紙上之空言施爲太平之實事耶  
迄今哀鴻四集夜柝不聞履巉巖睇閭井向

之伏戎于莽者胥化爲耕食鑿飲之區所謂  
時與機相值天若有以待之者其在斯乎其  
在斯乎頃者邑乘方新謬承校輯自忘固陋  
因數言以弁其端後之享安穰之福者其知  
此也夫

時

康熙二十六年歲在丁卯菊月之吉邑人黃  
士龍譔

花縣志

黃序

光緒十六年重刊

四

花邑志序

花邑創於康熙二十四年其地原屬南番二邑因鞭長不及腹故割地增設一令或曰因革損益無大更絃易轍者似可不志或曰卽有邑事皆雜見錯載於各乘則於志似宜畧余曰非也天下大矣郡之所屬赤絜畿望之封各有山川各有井賦各有兵戎各有禋祀生於斯宦於斯寓於斯者幾何人爲貞良爲節烈爲緇黃者幾何家苟考之不詳覈之失

花縣志

謝序

光緒十六年重刊

一

實與言之無文衡之倒置皆不足以昭勸戒而垂典型是蓋有待乎其人也雖然東國凋殘莫劇花邑寇殘之兵殘之水旱凶荒殘之欲執筆從事難於搜討舊文一難於紳士寄籍鄰封無可咨訪一難於規模梗槩前後無因一難於簿書鞅掌禹陰易失是修志難修花志更難然而無難也我

邑侯王公拜秩爲

天子命吏至之日捐文法勸農桑興教化強禦弗

畏也鎮以靜侈大弗矜也持以廉風規寧淡  
之中一本於溫厚和平之旨於是野無狼嗥  
洞無伏嘯農耕土讀螻蛄無聞謂今日花邑  
地戶其樹表而啓疆者皆予一人任也予無  
志烏乎志於是審地形察民風稽物產考學  
校嚴兵制紀藝文列節義畧本手創事由心  
裁較如列眉明若指掌鏡古準今權衡不爽  
以嚴毅果斷之操運史佚董狐之筆豈有不  
典而核直而有體乎余時以薄秩叨藉其間

花縣志

謝序

光緒十六年重刊

二

愧學識之不充歉文事之未遑不能以朝夕  
輔弼襄其不逮嗟嗟金度之與

公譬猶魚鳥之依龍鳳賁甲之隨湯武也茲書  
成余烏可無序余愛而讀之見有若因天因  
地者矣見有若土物心臧者矣見有若在德  
不在險者矣見有若雨金雨粟不以言祥者  
矣見有若亮采勵翼以懲以勸者矣見有若  
門題通德闔指彥方者矣見有若珊瑚比艷  
彤管生花者矣見有若西行侍者叱石成羊

者矣源源本本殫見洽聞政事文章煥乎改  
觀是昔之未有志與畧而未詳者至是始得  
稱全書也方今

天子求治若渴

諭廷臣圖山川修統志蓋欲知天下險塞阨要  
之勢以表九有無外之規邑志郡志省志彙  
達

閣部誠一代鉅觀也行將看

先生不日得與館閣諸公典天祿石渠盛事以

花縣志

謝序

光緒十六年重刊

三

判花之筆奉揚休明矣寧第花邑門戶其樹  
表啓疆者畢一人事已哉故曰有待乎其人  
也

康熙丁卯秋九月花縣儒學教諭韓江謝金  
度撰

創輯花縣志序

古者列國皆有史紀事編年所以明天道誌  
人事垂法戒而著得失者莫大乎是自郡縣  
既分守土之吏既不同於列爵惟五之君安  
敢比例而爲之史然我疆我理土田人民山  
川風俗禮樂政教誰實司之而不敢使之湮  
沒而無所依據此州郡邑志之所由昉乎況  
自天地開闢以來城郭人民月增歲廓代有  
創興封域攸分則紀載亦異例也百粵古號

花縣志

序

光緒十六年重刊

一

南交山海交錯賁黑所隸東北境舊名花山  
層峯疊巘與南海三水清遠從化英德增城  
龍門接壤中多積盜蔓延起伏毒流數邑前  
此屢議設治不果百十年來議剿無功議撫  
無効民靡有寧宇焉今

聖天子文德誕敷東西朔南海隅日出之邦咸稟  
聲教邇者臺灣夏門海外之地皆束首受吏  
而郡縣置之矣迺天祚治平頑梗悉化二十  
一年

撫憲下採輿情會同

督憲

將軍合詞

題請於花山添設縣治二十二年

給諫王 典試入粵復

命特疏再陳獲蒙

俞旨二十五年析南海番禺二縣地創立花邑名

菲材下吏濫竽肄水數載庸庸謬承

兩憲交薦賢能調治新邑既無理煩治劇之才

花縣志

序

光緒十六年重刊

一一

實匪錯節盤根之器受事以來冰兢夙夜惟恐隕越厥職以爲薦舉羞茲邑乘例當創始以垂久遠遂與廣文僚屬暨邑中人士參互考輯爰有成書上而星野之分躔下而山川之險易中而土習民風以及賦役鹽鹺水利之數典禮之則物產之宜一寓目間而如見焉嘗稽王制有云廣谷大川異制民生其間者異俗昔先王之時巡方岳也陳詩納賈以觀民風覘好尚因爲之隨地敷施修教齊政

花縣志總目

卷之一

輿圖

縣境圖  
學宮圖

縣城圖

縣治圖

星野

沿革

建置

城池  
公署

疆域

鄉堡

形勝

花縣志

總目

光緒十六年重刊

一

山川

八景附

風俗

氣候附

禮典

卷之二

學校

賦役

鹽課附

卷之三

官師

兵防

營制  
塘舖  
武職  
營寨  
隘塞  
軍器

選舉

名宦

寓賢附俟入

人物

功業 才節 隱逸 烈女

水利

陂塘 橋渡 墟市附

物產

卷之四

藝文

奏疏 碑記 序文 條議 詩

外紀

古蹟 墳墓 靈異 寺觀 仙釋 事紀

花縣志

總目

光緒十六年重刊

一一

花縣志卷之一

知花縣事三韓王永名創輯

典史裘孔文全訂

儒學教諭謝金度

訓導駱身之參校

舉人黃士龍

南庠黃 虞全輯

輿圖

自黃帝畫野分疆井天下之田聚天下之民

花縣志

卷之一

輿圖  
光緒十六年重刊

一

於是封建開而郡縣置三代以還遂有專隸  
矣嗣星分碁布土宇日恢其間山川里道闡  
闡民居按圖以施乃疆乃里因以通變宜民  
則守土者事也志輿圖

論曰古者敘九邱以志士風鑄九鼎以志  
土物故有志則有圖所以考其地而施其  
治也時移版易非復先王之舊蘇子瞻畫  
為春秋列國指掌圖以便觀覽朱思本創  
為天下郡邑畫方圖以計里數近則王光

魯鏤歷代輿地圖其法用朱墨疊模以一  
 統志省郡爲底而加各朝沿革於其上古  
 今山川分界建置異同方隅割據兵爭僑  
 立史載襍陳錯出者一目井井誠哉良工  
 苦心花雖新造邑乎所撥附者南番則壤  
 采阻隩區不詳繪幅員著爲經制後之蒞  
 斯士者如入暗室以摸索不咎前人之無  
 具哉故各圖之弁卷首使覽者瞭然問道  
 於己經也可詫爲循衆轍乎

花縣志

卷之一

輿圖  
 光緒十六年重刊

二






縣城圖

花縣志

卷之一

輿圖  
光緒十六年重刊






花縣志

卷之一

輿圖  
光緒十六年重刊

四





花縣志

卷之一

光緒十六年重刊

五

星野

分野大都以楊州蓋粵以粵蓋郡以郡蓋邑  
通志已詳郡志不必存可也况邑乎雖然藁  
爾土疆亦天之無不覆者也故紀之

粵地夏后氏曰楊州春秋曰百粵於辰爲丑於  
次爲星紀於宿爲牽牛日月五星起於斗宿由  
斗牛以紀星故曰星紀所以考淑慝而詔修省  
也以歷代史天文地理志推之皆起於斗十一  
度而終於女七度度雖或差而以斗牛女爲吳

越之分則一也有謂牛女屬揚州揚州爲東南而牛女在天則北方之宿無亦星紀在北而光燭於南其以吳越當之者從星紀之所燭歟花邑地在嶺南省會而近實牛女之分野揚州之末境也

論曰星野之說著於周官大司徒以土宜辨三土而不言所辨者何次保章氏以星土辨九州而不言所辨者何星又謂所封之域皆有分星而不言其何分也後世各自爲說牽

花縣志

卷之一

星野  
光緒十六年重刊

六

合傳會度有不同占亦或異惟鄭氏謂星上以星所主土爲是要不外於周官欲以所辨者觀妖祥爾天子之所觀者九州諸侯之所觀者一國今百里之邑視古侯封也可不因觀而爲之修政序事乎若纏度分杪之數存而不論可耳

沿革

古今制度損益迭更唐虞三代建國分州敷土作貢可攷而知其後併而疆里析而郡縣正而一統偏而竊據罔不犁然具焉君子於此可以察時變謹制防花邑雖新地輿猶舊原其所自臚而列之以裨見聞亦論世者之所取監也

據史顓頊之地南至交阯廣南本古南交登帝籍者已久迄神堯命羲叔宅南交可引經爲証

花縣志

卷之一

沿革  
光緒十六年重刊

七

矣周末屬楚顯王時楚殺勾踐八世孫無疆播爲百粵秦始皇三十三年平南粵定郡縣趙佗據立爲南武王漢平之仍如秦制後以南海爲交州吳立廣州晉因之南朝省併增置不常隋末廢州爲郡唐興復郡爲州五代爲劉龔所據僭號爲南漢宋稱廣州元稱廣州路明改爲府咸領縣焉

<p>歷代</p>	<p>周 百八十國而 分天下為九畿至 成王時亦曰九州</p>	<p>秦 併天下為四十郡 各領縣不等</p>	<p>花縣志</p>	<p>漢 置天下為四十三 州部每州立一刺 史至哀平之際新 置郡國六十三光 武併省郡國其後 亦為十三州郡至 獻靈郡凡百有五 焉</p>	<p>季漢 都蜀合魏吳 亦稱為三國 全粵皆為所 屬黃武五年 始立廣州</p>
<p>總轄</p>	<p>百粵 周燹王世楚 熊渠伐楊粵 以自廣數傳 熊商剪粵臣 之其散處江 南海上猶蒙 故號各雄長 一方今廣州 等處皆其地 稱南粵焉</p>	<p>南海郡 今廣州府 領縣十八 二世初趙佗 擊併桂林象 郡自立為南 武王都番禺</p>	<p>卷之一 沿革 光緒十六年重刊</p>	<p>交州 治廣信今梧 州府二廣及 安南地並屬 交州領七郡 後漸增置共 十郡焉</p>	<p>廣州 領南海等四 郡稍析置桂 林三郡以益 之又於交部 復珠崖析合 浦附於廣</p>
<p>州郡</p>				<p>南海郡 今廣州府 領縣七 建安十五年以 南海為交州刺 史治番禺十八 年遙屬荊州</p>	<p>南海郡 今廣州府</p>
<p>縣</p>		<p>番禺縣</p>	<p>八</p>	<p>番禺縣</p>	<p>番禺縣</p>

<p>晉</p> <p>分爲十九郡又分爲二十四國又分爲一百二十七郡全省屬廣州</p>	<p>南北朝</p> <p>東晉</p> <p>全省皆屬東晉後爲宋齊梁陳地</p>	<p>花縣志</p>	<p>隋</p> <p>分爲二百二十五郡析廣州諸郡置三州又廢始興郡入廣州隋末爲鄧文進所據入千蕭銑</p>	<p>唐</p> <p>分爲十五道以建都陝西西安府爲京兆餘分爲三百零四州</p>	<p>五代</p> <p>南漢</p> <p>廣東全省皆爲劉龔所據僭號</p>
<p>廣州</p> <p>治番禺□廣州府領郡凡十後又增置八郡</p>	<p>廣州</p> <p>劉宋廢一郡增五郡 蕭齊增四郡共領郡二十三 蕭梁析諸郡置十二州廣州惟存五郡又增置一郡陳陳因之又增置一郡</p>	<p>卷之一</p> <p>沿革</p> <p>光緒十六年重刊</p>	<p>廣州</p> <p>仁壽元年避諱改爲番禺</p>	<p>嶺南道</p> <p>治南海今廣州府全省皆屬焉</p>	<p>嶺南</p>
<p>南海郡</p> <p>今廣州府領縣十</p>	<p>南海郡</p> <p>今廣州府領縣十 劉宋領縣十 蕭齊領縣十 三蕭梁始析番禺爲南海縣陳陳仍梁制</p>	<p>南海郡</p> <p>領縣十五</p>	<p>廣州</p> <p>今府領縣十三 咸通二年分東西以廣州屬東道唐末改爲清海軍</p>	<p>廣州</p>	<p>廣州</p>
<p>番禺縣</p> <p>安帝分番禺置懷化縣</p>	<p>番禺縣</p> <p>劉宋初析番禺置熙安縣</p>	<p>番禺縣</p> <p>開皇十年廢熙安懷化入番禺尋以番禺入南海</p>	<p>南海縣</p> <p>長安三年別置番禺於河南爲上縣</p>	<p>南海縣</p>	<p>南海縣</p> <p>番禺縣</p>

<p>南漢</p>	<p>宋</p> <p>分爲二十三路內 分爲三十府又分 爲五十二軍又分 爲二百二十九州 又分爲四監</p>	<p>元</p> <p>以北都山東西河 北立爲中書省一 餘分爲中書行省 十一 立大都爲大興府 餘共立爲二十二</p>	<p>花縣志</p>	<p>明</p> <p>立南京北京爲直 隸餘分爲十三省 布政司</p>	<p>國朝</p> <p>立北都爲盛京餘 分爲江南等處爲 十三省</p>
<p>廣南東路</p> <p>治肇慶 今府</p> <p>廣東全省皆屬 此路</p>	<p>湖廣行中書省</p> <p>廣東全省皆爲 所屬</p>	<p>廣州路</p> <p>今府 領縣七</p>	<p>沿革</p> <p>卷之一</p> <p>光緒十六年重刊</p>	<p>廣東省</p> <p>領府十直 隸州一</p>	<p>廣東省</p> <p>領府十直 隸州一</p>
<p>南海縣</p> <p>南漢析南海置 常康咸寧二縣 以擬長安</p>	<p>番禺縣</p> <p>開寶五年併番 禺省入南海爲 望縣</p>	<p>南海縣</p> <p>番禺縣</p>	<p>十</p>	<p>廣州府</p> <p>領州一縣 十</p>	<p>廣州府</p> <p>領州一縣 十有五 今增花縣 一共縣十 有六</p>
<p>南海縣</p> <p>番禺縣</p>	<p>番禺縣</p> <p>開寶五年併番 禺省入南海爲 望縣</p>	<p>南海縣</p> <p>番禺縣</p>	<p>十</p>	<p>南海縣</p> <p>番禺縣</p> <p>二縣附郭</p>	<p>花縣</p> <p>康熙二十五年奉 旨析南海番禺地建 立城平嶺營址作 縣治焉事詳建置</p>

論曰古之部置方州皆因山川形便與其道里遠近所宜故或操建瓴之勢以臨制上游或順臂指之義以控連四外要歸於建威銷萌久於治安而已今幅員日廣郡縣碁布薄海攸同花邑始闢土曠人稀業簡賢能慮詳事善措無不宜然墾荒以盡地利化俗以挽淳風使氓樂於耕而不輕去其鄉士興於學而不自安於鄙斯可持久而不變昔子產語子大叔曰政如農功日夜思之思其始而成

花縣志

卷之一

沿革  
光緒十六年重刊

十一

其終則所望於執事者非旦夕可計效也不然鄭樵所云州縣之設有時而更山川之形千古不易由今視昔以爲何如後之視今復爲何如百世可知其惟政貴有恆哉

建置

古之善經國者則曰規模宏遠又曰善建不拔夫匪規模則何善建匪宏遠則鮮不拔始事顧不綦重歟故因其地以置縣域以封疆防以城池治以官師聯以戶口齊以科教昔人之籌畫可取而法也時而修之與民宜之毋曰營一支邑卽經國豈越是其惟在民牧哉

花山地舊屬番禺迤東西北三面萬山環峙與

花縣志

卷之一

建置  
光緒十六年重刊

十一

清遠從化南海三水諸邑接壤蓋緣山深谷窈口隘林叢屢爲萑苻嘯聚自明宏治間橫潭大盜譚觀福依險憑陵僉事陶魯芟除而後如唐亞六鍾國讓鍾國相蘇鳳宇練復寧吳萬雄輩旋滅旋起屠劫靡常大爲數邑之患萬厯時議設蘇崗白坭兩營東西控防終不能制崇正庚辰復行征勦於水西設清從州不果乃立番清從守備而賊之披猖如故稱爲番清從三不治之地焉迨

國朝定鼎以來賊渠楊太公龔紫金張斌友伍亞  
青陳學進等剽擄四出環山數百里居民獸散  
荆榛瀰望以向入版圖之境久埒珠崖康熙二  
十一年巡撫李 與總督吳 復大用兵  
蕩除窟穴削淨根株從舉人黃士龍等條議添  
設縣治會同將軍王 疏請建縣先於番禺  
慕德里之平嶺設營防守調右翼鎮遊擊一員  
守備一員千總二員把總四員目兵八百八十  
名中屯大營餘分防要害康熙二十四年戶科

花縣志

卷之一

建置  
光緒十六年重刊

十二

給事王又旦典粵鄉試復

命特疏再請得奉

俞旨巡撫李

率同廣州府知府劉茂溶南番

三水清從各知縣躬親相度以平嶺面南開陽

山川環遶堪建邑城康熙二十五年剖析南海

番禺鄉村圖甲創立縣治部覆奉

旨選擇賢能知縣一員調知新縣巡撫李

會

同總督吳 具

題三水縣知縣王永名調任并擬名花縣其城

垣縣署以及學宮城隍廟社稷山川邑厲各壇  
城守儒學水西巡檢司各署預備倉義倉社學  
醫學陰陽學養濟院漏澤園義塚皆知縣王永  
名同紳士里老經始規畫卜地創建者也

### 城池

縣城在平嶺營址後枕崇山前臨平壤左輔唐  
帽嶺右擁石巖塘正對白雲峯恢擴而南周四  
百四十丈高一丈四尺厚一丈二尺上廣 尺  
下廣 尺闢四門上建樓櫓環以月城警舖一

### 花縣志

#### 卷之一

建置  
光緒十六年重刊

#### 十四

十二間雉堞六百三十筒城脚內外各開馬路  
廣一丈有洩水竇三處議用磚石包砌東西北  
三面皆山南無濠塹惟廣聚商民以資稠蜜業  
經估計達

部俟工築竣日請顏四門額名撰記勒石永垂  
規制實爲省城北門鎖鑰也

### 公署

縣署在城中西南其制中爲大堂左爲贊政廳  
右爲龍亭庫中進爲穿廊爲後堂左爲耳房庫

右爲架閣庫又中進爲知縣衙門樓一座正廳一座燕室一座書齋厨舍羣房各具四周繚以甃垣由大堂前爲露臺下爲方墀中爲甬道石亭在焉兩翼爲六房及承發舖長卷廊廊後爲吏舍甬道前爲儀門左爲土神祠前爲迎賓館右爲禁獄又前爲大門上爲譙樓翼以榜廊東爲旌善亭西爲申明亭正南爲照牆橫街東西各建一坊以拱衛縣宇臨民出治云

典史衙在縣署左門樓一座正廳一座燕室一

花縣志

卷之一

建置  
光緒十六年重刊

十五

座書房厨舍各具

獅嶺巡檢司署在縣境西南橫潭街原隸番禺縣明初洪武三年建今割隸花縣署仍舊制

水西巡檢司署在縣東北近水西鄉其地半屬從化半屬清遠盜賊由之出沒明崇正間議立清從州不果後設番清從守備府今廢今立花縣議設巡檢司於此以扼險要署俟創建

義學在縣署東北知縣王延聘本學廩膳生員譚鼎輝設教訓迪每年指送修儀二十四兩

凡有志士子無力延師者令其就學肄業

醫學在縣治

陰陽學在縣治東

預備倉在縣治東官廳一座廩三間晒場地一段共周七丈

義倉在縣東大東坵鄉縣西蓮塘鄉縣西三華鄉共三所

養濟院在城北安懷里內爲屋五間收養孤貧之無告者

花縣志

卷之一

建置  
光緒十六年重刊

十六

漏澤園在城北三里內爲大塚以收暴骨之無依者

義塚在城北四里周三十丈以給欲葬之無地者  
論曰予觀粵之史乘激而歎興亂之益於人  
國殆其然哉是故有蕭養之平而順德之邑  
以闢有後山之靖而從化之境以恢若龍門  
新寧之建治則以山獠諸徭之芟彝新安三  
水之析置則以僻壤鬻孽之定議他如剿泐  
頭征羅旁而和平東安西寧之版宇肇啓歷

而計之指不勝屈昔人所謂茲舉也豈特弭盜固所以爲國家開未闢之疆土也豈獨闢土固所以爲洪荒來了一段大公案也厥功顧不偉哉今花邑自搜剿而後設險儲峙部署經營百務具舉夫孰非撫洩茲土者體國寧民慮詳力瘁乃克底是語云仁不辭難而立業智則因亂以爲功信夫

疆域

適遠者計糧出宿者量地不辨方隅抵向不

花縣志

卷之一

疆域  
光緒十六年重刊

十七

諳徑直迂迴俚俚然任其所之不欲前而却步乎疆域亦職方所必詳也爰紀之

花縣治在廣州之北其境廣一百二十九里袤一百有一里東六十六里至從化縣大山地名界西南七十三里至南海三水二縣蜺殼岡地名界北六十九里至清遠縣大山地名界水程一百二十里陸路九十里至廣州府省城一千一百五十五里至江西梅嶺分界四千八百六十五里至

京師

論曰神禹疆天下弼成五服積矩以爲方田而句股以測高下淺深遠近秦漢以來其計道里但以人跡爲數不論句股脰直故古今尺步長短之異制里數多少之不同也花縣初封四履所暨東北界從化東南界番禺西南界於三水南海北面負山故東西經長南北緯短間多巍峯疊嶂澗溪行潦截長補短猶及百里撫茲有眾勞來綏懷林毋伏戎野

花縣志

卷之一

疆域  
光緒十六年重刊

十八

毋道莠行旅輻輳百貨阜通安見路不拾遺之風賓至如歸之盛不比隆於古哉是在司牧者加之意而已

鄉堡

凡邑在城曰坊附郭曰廂在鄉曰都都以統堡而屬村隸焉蓋倣周官比閭族黨之法以正經界以敷賦役匪是無以稽覈也又或坊廂與都有無不一皆就地而編要之堡復分圖圖爲甲十則定制一耳

南海割堡三日華寧曰蘇山曰駱村共十圖又  
割桃子恩洲二堡散甲共一十七甲番禺割  
堡五日烏坭曰擢桂曰紫坭曰李溪陂曰何  
嶺共一十一圖又割李溪陂鴉湖九潭茅山  
上大田龍榜岡劉村蚌湖竹料蕭岡望岡羅  
岡東北十三堡散甲共三十一甲知縣王永  
名將全圖併散甲共聯成二十六圖編縣爲  
二十六里

屬村

花縣志

卷之一

鄉黨  
光緒十六年重刊

十九

東

象湖村	大東埗	陶塘村	洛塘埗村
長山脚	曹家埗	大水村	黃竹湖
桔逕	港頭	迴隆	新田村
羅漢塘	苔坑	石渚	李溪陂
土岡	京塘	官塘瀝	小水坑

西

滿鄉儒	大埗	三溪圳	象羅村
龍岡圍	奇才營	紫石岡	張屋村

朱村 東邊村 楊屋村 石頭岡

三華店 畢村 小朱村 黃岐山村

馬步凹 寶鴨湖 水邊村 步雲村

西瓜嶺 橫坑 楊氏塘 范屋邊村

馮村 黎村 豸場 下逕

百畝田 埭心 官塘村 纏岡塘

竹洞村 白石村 鶴棲埭 對岡

西邊村 梁岡頭 東邊嶺 木廣塘

牛欄村 大嶺脚 蓮珠村 蚶蛇岡

花縣志

卷之一

鄉黨  
光緒十六年重刊

塋下村 把水岡 蓮塘 小逕村

旱坑村 新庄 大窩村 區村

塘尾村 坑頭村 烏石岡 窰邊村

藍坑 南浦 孫屋邊 石塘村

桃坑村 橫山頭 竹湖村 江下村

園竹凹 大欖窩 枸杞村 石湖村

社岡村 珠坑村 大安村 竹山

料尾 小埭村 湯村 園岡頭

赤岡村 橫湖村 石湖村 茶塘村

塋溪村 南涌村 埤頭村 凹頭

豬腰嶺 鳳溪 新太村 黃村

烏茶埭 橫岡 藏書院 塋頭村

水口村 牛牯嶺 鍾邊村 荷塘村

西田庄 華嶺 荷溪 橫沙頭村

石燕村 藍田村 赤坭村 石仔岡村

楓林背庄 文岡村 坎頭 魯岡

橫岡 天竹岡 上塋村 駱村

田頭 五宅 旺邊村 湯邊村

花縣志

卷之一

鄉黨  
光緒十六年重刊

南  
捻塘村

南

石巖塘 迴獅嶺 永渭 仙覺

豸邊 圓田 嶺頭 小楊村

鳳嶺 九傳湖 田螺湖 瀝貝

鐵山 山貝 山輒 平山村

南村 羅洞 小埭 蓮塘

田尾 橫潭 上窰 中窰

下窰 鍾村 燒瓦窰 大凌

望岡 埭心塘 清潭 古樓塲

鳳鳴庄 矮岡 岑境 松柏塋

照鏡湖 雙岡 郭塘 大塘邊

舖頭村 葉村 黃岡 瓦瀝巷

北

正逕 屋源水 曹洞 車頭塹

李婆洞 橫坑 西坑

論曰治人之道士著爲本古者閭胥比長各登其夫家之眾寡五家相受有罪奇袤則相

花縣志

卷之一

光緒十六年重刊

二十一

及若徙於國中及郊則比長授之其出居異鄉者則爲之旌節而行之居鄉無授出鄉無節則納之園土以詰其所自來焉而後好慝無所容業可以安生可以遂乃後世之論政者曰民者瞑也猶聚畜羣羊須主者芻牧處置得宜置之茂草之地則肥澤繁息置之磽鹵之區則零丁耗減花邑夸有四封其夙隸南海者人稠土狹不足相供夙隸番禺者土滿民窳穢蕪不治宜移民通財使之去狹就

寬墾荒菽植與招狹之眾擇地而居久之村落日聚生齒漸繁亦闢土振人之一術乎

### 形勝

以宇宙視邦畿以邦畿視一邑蕞矣何論形勝然環堵之室亦必有蔽風雨而瑾蓄聚者非外有可恃而中乃可居乎壯哉氣勢之雄山河之固不特北冀西雍一邑亦猶是矣其可忽諸

邑居粵徼自南幹衡陽分支出庾嶺度韶英盤

花縣志

卷之一

形勝  
光緒十六年重刊

二二三

紆第鬱至於龍門天嶺陳峒以及從化百丈帶諸山千里而遙入境爲花山盤古崗其蜿蜒崛起勢若梯雲者與從化之百丈相埒因以爲名循東而來良龍落脉連亘串珠轉亥入首則平嶺坦然負北瞰南實爲風氣融結創建縣治於此雖曰地利孰匪天時待人而興乎若其東北則帽峯山爲之屏障西南則丫髻嶺爲之抱迴前峙白雲山端凝朝案橫列唐帽嶺石巖塘近護邑城其溪水一東自蘇崗而出逕大東埭仙

閣豸邊至嶺頭接龍口而下由九曲青石轉西而會於橫潭一西自正逕而出小流直南經鐵山瀝貝小埭而至龍口與蘇崗水合又一西自牛牯屯發源出數里東接正逕之水會而下山貝葉村由尾稍東則與青石海併歸橫潭各水分合環遶邑治惟橫潭可通舟楫以達省會者也至南面外洋東爲扶胥黃木浮天浴日出虎門而放乎南溟西爲靈洲鬱水萃氣鍾祥由石門而滙乎珠海皆奇形傑出雄踞省會上游

花縣志

卷之一

形勝  
光緒十六年重刊

二十四

與列邑爭勝焉

論曰粵地山海交錯夙稱多盜之區然海寇或飄忽無常山賊則嘯聚有穴防海寇惟禦諸闌入之途驅其潛泊之所而除山賊則非大舉搗巢據以爲險未易杜其萌孽也往昔大征東西山議者率謂始事在搜勦終事在善後亦未有搜勦原不淨而可以善後者故欲防孽釁斷須樹兵欲闢土地必須屯種然樹兵非久計也故大定之後計卒歸於建縣

屯種不可以孤立也故招集之始其便合就  
築城則今日花縣之建非運籌決策而能平  
定安集覩茲形勢之壯乎雖然民匪地著則  
易遁於綠林兵不知方亦祇叢爲烏合使非  
寬恤以重安土恩信以固千城二者之患均  
形勝不足恃也後之有事於茲者其熟籌之  
山川

君子過都歷邑覽其山川或雄峙奔放或盤  
鬱縈迴或競秀爭流或明媚清淑有以覘其

花縣志

卷之一

山川  
光緒十六年重刊

二十五

人之挺出物之蕃滋山川蓋有爲而然非徒  
誇觀美也殆紀之者意乎

山

花山邑北諸山之統名重巒疊嶂綿亘數百里  
北通清遠英德東接從化增城向爲盜藪今置  
縣因以爲名

百丈嶺在城北四里許山石嶙峋其高千仞爲  
邑治發脉之祖俗稱百丈者極言其高也

唐帽嶺在城東南里許舊名紗帽嶺爲邑治左

龍

石巖塘在城西南里許與唐帽嶺並爲治邑右  
虎

獅子山在城西南五十里遙望如獅騰躍空際  
盤古峒城北二十五里在萬山中林木蒼翳向  
爲盜賊窟穴舊有盤古廟今圯

百步梯在城北十六里萬山中險仄不可扳躋  
前人鑿山通道故名康熙二十二年巡撫李  
益闢大之

花縣志

卷之一

山川  
光緒十六年重刊

二十六

了髻嶺在城西五十里其高千仞舊志上有雩  
壇居民旱禱輒應相傳有仙女往來於此

瑞雲山在城西南四十里下有隆興古寺旁有  
潭曰鍾潭

象嶺在城西十五里象羅村其形如象大小不  
一

蝙蝠巖在城西南五十里華寧境高敞廳房皆  
備可堪觀遊

獨秀山在城西南五十里卓峙平疇嶄然聳翠

中洞山在城西南六十五里高百餘仞青靄欲浮

烏石巖在城西南六十五里望之如墨外實中虛巔有仙人壙

水

蘇崗水在城東十里從山後流出至龍口與正逕水合

正逕水在城西五里西與牛牯屯東與蘇崗水合

花縣志

卷之一

山川  
光緒十六年重刊

二十七

牛牯屯水發源屋簷水在城西五里向南會流與橫潭水合

橫潭水在城西南三十五里由正逕諸溪發源至把水與巴由水合

巴由水在城西五十里由三水蘆包水合出石門沉香浦達郡城入海

馬逕水在城西六十五里上接蘆包水下經官窰金山出鹹魚嘴與巴由水合

論曰山川之靈異其可殫述哉蓋千里之都

則有千里之山川以爲護纏百里之邑則有  
 百里之山川以爲凝聚故人物藉山川而生  
 然山川亦因人物而重廣覽域中莫之或爽  
 也花邑巘峯擁其後珠江遶其前東西遙捍  
 中衍平洋形家謂當鍾能臣出鎮方州入叅  
 帷幄雖或諛言第天之所開地豈能限亦在  
 產於斯者勉之而已若夫伐山則可資材木  
 引水則可漑田疇以足民生不必與我眉罨  
 畫較名勝也

花縣志

卷之一

山川  
光緒十六年重刊

八景附

盤古烟霞

盤古洞名在縣東北萬山朝暮  
 雨晴烟鎖護太初景象彷彿猶存  
 故老相傳中有  
 仙人窟宅云

百丈晴巒

環邑皆山百丈更高入雲際  
 治之祖龍也俯視羣山蒼翠萬狀  
 俗名丫髻兩峰插天縣西南最高  
 處也旭日初升紅光掩映較他處

雙峯朝旭

所觀尤勝上仙女壇早  
 禱立應去罕到幽勝五里  
 禱立應去罕到幽勝五里

西山瀑布

往時人跡罕到幽勝五里  
 王搜奇得此去縣城二十里  
 往時人跡罕到幽勝五里

橫潭夜月

潭去縣城三十里無際  
 山則上城空明一望無際  
 山則上城空明一望無際

烏石幽奇

在縣西南六十五里托足焉  
 墨在外實中虛遊者多里托足焉

環秀松風

分邑東門外有山高一十餘  
支也千巖萬壑一望都收松影

巴江烟雨

在縣西南五十里  
森濤聲謾邑令王  
構亭其巔題日環秀

花縣志

卷之一

山川  
光緒十六年重刊

二十九

花縣志

風俗

五方不同習尚匪一音聲嗜欲靡然相趨非特出之士鮮不爲所囿者豈惟夫人天且殊候地亦異宜殆南北分轍始由跬步謬以千里哉移其未而歸其本覽茲記載操風化者端可觀矣

邑治方新俗猶南番之舊一統志云海濱鄒魯士恒樸茂閉戶吟誦邑北皆山中鮮居民其俗

花縣志

卷之一

風俗  
光緒十六年重刊

三十

樸野人多獷悍惟迤南近省故家巨族仕宦科名往往不乏近山村落向爲賊踞熏其餘習積頑成玩累薄叢刁畝種逋租屢屢見告然皆士瘠民貧無商賈貨殖之利工作畜牧之贏惟事耕鑿間一養魚樵採而已婚聘用檳榔椰子茶果嫁娶鮮親迎先一夕男女家俱行醮禮延俗戚會飲爲樂謂之坐花燭夫婦合卺而飲膳謂之食煖房次早見家廟翁姑親黨獻幣帛悅履謂之遞荷惠卽古禮棗栗段修以獻意也奩嫁

服飾器用外以糖果相高娶後或逐隊索飲者謂之打糖梅逾月擇吉壻偕婦往謁外家父母謂之回門生子彌月聚親朋宗族以飲必設醋薑謂之飲薑酒亦湯餅之遺也病少求醫多事巫禱喪葬大家猶循古禮或用僧道齋醮第泥於風水之說有多年而不葬者有家貧而火以葬者此習俗相沿之弊不可不急爲救正也祭禮巨族皆建祠堂置蒸嘗產業以供祀事設書田以助爲上者膏火歲時則清明重陽墓祭春

花縣志

卷之一

風俗  
光緒十六年重刊

三十一

秋二分祠祭冬至家祭薦新時祭生辰忌日特祭雖小民亦如之報本思親無貴賤一也節序則元旦晨興供神祀祖家庭卑者幼者拜尊長致祝語尊長答以訓詞出而遍拜鄉黨親友交賀飲三四日乃已謂之拜年迎春裝扮雜劇迎土牛芒神於東郊所經之處男女簇觀以芒神爲太歲爭撒菽粟謂祈豐年散痘疫是日皆以素粉拌生菜啖之以迓生意元宵自十二三至十六七坊鄉神廟結彩張燈鼓吹喧闐達曙人

家亦懸燈聚宴謂之慶燈十五日啜粉丸謂食  
元宵鄉落沿門迎神放花爆燒起火謂之攔巷  
行樂數宵十六之夕婦女出遊採青謂之走百  
病十九日仙姬大會俗訛爲天機籟敗各懸蒜  
於門謂之辟邪惡烙糯粉爲大圓塊加針線其  
上謂之補天穿李太白詩云一枚煎餅補天穿  
其由來舊矣晦日爲正窮忌用財物是夜堆火  
於門前謂之送正窮二月上戌鄉民坊里烹豚  
醞酒祭社祈穀聚飲而歸各携遺肉秋社如之

花縣志

卷之一

風俗  
光緒十六年重刊

三十一

陳平宰社古已然矣清明門插青柳或戴於首  
具筵上墓祭畢羣飲祖墓則頒胙肉墓遠者以  
次往祭至一月乃已謂之閉墓也四月八日禪  
門以香湯浴佛集眾啜之人家採百藥蒸糖粉  
餅相餽遺謂療病魔云端午懸蒲艾於門具酒  
饌角黍以祀其先婦女相遺餽午時以雄黃蒲  
艾和酒飲之穉子則佩符篆繫色絲取辟兵續  
命之意近河鄉人爲龍舟競渡奪標雜還遊觀  
五日乃已夏至烹犬而食云解瘧疾七月七日

士族曝書帙衣服其夕女兒陳花果於空階祀天孫置蜘蛛盒中次早觀其結網疎密又用綵縷背手穿針過否謂之乞巧七月十四日具酒饌楮衣祀其祖先謂之送衣節十五日中元爲盂蘭會追薦所親各以時果相餽謂之結緣中秋姻戚相送月餅各物夜則煮芋置酒邀朋賞月焉重陽上墓祭畢而讌童子放風鳶謂之登高皆啖糖糕飲菊花茱萸酒亦費長房之故也十月朔各以羊桃芥菜煮湯啖之以却病疾冬

花縣志

卷之一

風俗  
光緒十六年重刊

三十三

至則士夫相慶賀以日初長至民俗祀祖燕客比他節尤重以粉團供饌謂之團冬是日多食魚膾云可益人若風寒會飲則以雜烹環鼎而食謂之打邊爐卽東坡之骨董羹也臘月念日小除謂之小年夜祀竈云送神朝天白人家善惡祀用果酒草豆祀畢撒豆於四壁以辟蠅次日謂玉皇下降鑒察人間多焚香持齋者除日掃舍宇易桃符門神懸紅桔於門以取吉兆祀祖家讌設饌如冬至謂之團年是夕燒爆竹家

人闔飲團鬪酒通夜不寐謂之守歲其油煮粉團謂之煎堆研炒米和糖作餅謂之白餅雖貧無缺者小民勤苦以此度歲拮据可知矣若氣候則嶺南濱海地卑土薄陽燠之氣常洩陰濕之氣常盛陽氣洩故四時常花三冬不雪一歲之間暑熱過半陰氣盛故晨多霧昏雨多靈潦夏陰便爾寒涼器用棟宇白蟻損蝕衣服時生白醭昔號瘴鄉大抵熱以炎蒸寒以風雨物生常早如正月桃花二月螻蛄鳴蚯蚓出王瓜生

花縣志

卷之一

風俗  
光緒十六年重刊

三十四

苦瓜菜秀之類其肅常遲如九月禾登十月水涸草木黃落之類與月令所紀不同隆冬無雪間見卽以爲瑞凡氣候皆五嶺所同而亦微有異者南番之地多雨夏秋之際俗號平天六月二十爲分龍分龍之日雨則雨多而歲豐分龍之日晴則雨少而年歉語云分龍有雨耕上山分龍無雨耕下塘此其驗也又或日中雨暴至而不久謂之白撞雨烈風雷雨忽然並作謂之西北石湖風古人謂石尤風者也發於六七月

之間其勢號呶發屋拔木舟爲之徙河道不行  
謂之風颶颶者具四方之風也將發斷虹先見  
謂之颶母或三五晝夜轉西風而雷鳴乃止六  
月十二必有風雨俗謂彭祖忌宜戒行舟邑田  
多雨熟諺云早禾宜白撞晚稻望秋霖白撞晝  
雨秋霖夜雨也反是則螟螽害稼推驗不爽一  
日之內寒熱不常故云四時皆是夏一雨便成  
秋又云急脫急著勝似服藥言調養貴得時不  
可冒寒以成疾也臘除前二三日必有南風謂

花縣志

卷之一

風俗  
光緒十六年重刊

三十五

之送年南歲中北風驟發謂之暴諺曰朝三晚  
七當午翻風不過日甚爲有準然最要謹慎者  
四月春夏之交十月秋冬之交易生時疫傷寒  
之症最爲難治客遊者倍宜記之活人論曰節  
飲食慎起居風邪不能爲害勿冷食減衣可也  
當深味焉

論曰聞之於昔凡民函五常之性剛柔緩急  
音聲不同繫水土之風氣故謂之風好惡取  
舍動靜無常隨在上之情欲故謂之俗風俗

者本之於地而變之於人歟王制曰修其教  
不易其俗齊其政不易其宜不必矯而揉之  
縛而束之順適其天安於日用斯誘民孔易  
哉花邑割自南番其間肥磽殊地秀頑異民  
招狹之眾服習未馴欲其齊於軌物匪力返  
其靡勢將焉底子厯覽士風大都食租衣稅  
者猶可爲善若佃耕之甿積惰而餐牛種灰  
糞悉貸於豪黠比及收穫折算殆盡已復稱  
貸力詘負重罄室以逃由素無餘蓄故輕去

花縣志

卷之一

風俗  
光緒十六年重刊

三十一

其鄉也或如女適於人一聞溘忽動稱非命  
率族抄搶甚則聽唆鬻訟又或男歿媳寡不  
爲存恤棄之外家窮而再醮訟索財禮凡茲  
惡俗實數人倫須嚴告條如懸象讀法冀其  
漸化耳昔唐庚有言風俗非一事以人材爲  
本所責於士者綦重則肅風教者在乎權砥  
頹俗者貴乎學良有司之廣厲烏容緩哉若  
節序則裁之以禮氣候則調之以時風俗正  
而天人協矣豈花邑爲然哉

禮典

郡邑志載多詳政務率畧禮儀豈禮爲治具之未哉孝經曰安上治民莫過於禮曲禮曰教訓正俗非禮不備泣官行法非禮威嚴不行禮乎其非治世之具聖賢其欺我乎有人民社稷之寄者當不末視而不詳矣

接

詔

凡遇

花縣志

卷之一

光緒十六年重刊

三十七

朝廷頒降

詔勅文武官員奉

龍亭於城外處所各官齊集具鼓樂迎

詔詔到各官俯伏迎接齋生直入安

詔勅於

御案齋生轉東旁立文官行三跪九叩首禮畢鼓

樂前導引

御案連齋生到縣衙門外擺立齋生從

御案由中道入各官由東角門次序進俱東邊排

立齋生奉

御案於庭中轉東旁立設香案於

御案捧

詔交宣讀生宣讀生跪受起站展讀畢長官行一

跪三叩首禮置

詔勅於

御案畢長官與衆官同行二跪六叩首禮畢齋生  
居東長官居西面立同行一跪三叩首禮畢禮  
送齋生回原接所騰黃頒行

花縣志

卷之一

禮典  
光緒十六年重刊

三十八

慶賀

凡遇

萬壽聖誕文武官員俱於先一日赴公所或寺觀  
具朝服習儀鼓樂前導引

龍亭回縣堂安置次早各官齊習肅服留

御道文東武西推班行一跪三叩首禮畢守土官  
詣

御案前祝壽畢復位文武官同行兩跪六叩首禮  
退班跪道候

龍亭過而起

皇太后 皇后 太子賀禮同但無習儀無祝贊  
凡遇

正旦冬至令節文武各官亦於先一日到公所  
或寺觀具服習儀鼓樂迎

龍亭回縣堂次早各官齊集肅服留

御道文東武西排班行一跪三叩首禮畢守土官  
詣

御案前祝贊各官皆跪祝贊訖復位文武官同行

花縣志

卷之一

禮典  
光緒十六年重刊

三十九

兩跪六叩首禮退班跪道候

龍亭過乃興

拜進表箋

是日印官至公所或寺觀候各官齊集具朝服  
各官立於拜亭下進表官立於

龍亭之東排班就位行一跪三叩首禮印官由東  
階詣

御案前跪衆官皆跪執事禮生捧

表箋授印官印官跪受交進表生跪受轉交執事

禮生進上

龍亭安置訖印官復位文武官同行兩跪六叩首  
禮排班候

表過一躬卽退班回署

朝

覲

每三年一行縣正官免

覲籍其土地人民之數屬員賢否之評各具冊籍

附 藩臬郡守詣

花縣志

卷之一

禮典  
光緒十六年重刊

四十

吏部述職於

朝

上任

凡印官到任先一日詣 城隍廟齋宿是早備  
豬羊牲醴等物致祭 城隍之神祭誓文行四  
拜禮平身行初獻禮畢讀誓文復位行亞獻禮終  
獻禮復位行四拜禮平身焚誓文禮畢到本衙  
儀門入大堂穿公服設香案於月臺向東北角

謝

恩行三跪九叩首禮畢更衣入衙安香火祠司命之神禮畢發擲出堂行拜印禮開印行四拜禮畢陞公座諭僚屬受叅見署文案發放畢入內衙三日行香閱城查倉庫禁獄諸務以次而行行香

凡朔望日印官詣

文廟 城隍各神廟行四拜禮畢回衙門陞堂視事

迎春

花縣志

卷之一

禮典  
光緒十六年重刊

四十一

每歲有司預期遵照頒來式樣塑造土牛芒神舖行里役裝扮春色故事春官耕農之類於立春前一日各官盛服結綵鼓樂出東郊迎春俟齊集先向土牛行一揖禮詣土牛前二獻酒點睛畢復位又一揖禮畢長官勸農畢衆官迎芒神土牛春色故事遶郭入城回縣安土牛於儀門外南向安芒神西向衆官詣芒神前一揖而畢是晚衆官飲春酒次日交春時陳設牲醴各官行四拜禮詣芒神位前獻酒讀祝復位又行

四拜禮平身長官擊鼓三通執綵杖同衆官由東邊起遶土牛三週遂各將綵杖鞭土牛三下庶民終之禮畢

宣講

上諭

往例朔望黎明老人木鐸徇於道路唱孝順父母尊敬長上和睦鄉里教訓子孫各安生理毋作非爲六箴以提警衆庶有司或時宜講六箴

演義今

花縣志

卷之一

禮典  
光緒十六年重刊

四十一

國朝康熙二十五年奉

欽頒上諭十六條

一曰敦孝弟以重人倫二曰篤宗族以昭雍睦三曰和鄉黨以息爭訟四曰重農桑以足衣食五曰尚節儉以惜財用六曰隆學校以端士習七曰黜異端以崇正學八曰講法律以儆愚頑九曰明禮讓以厚風俗十曰務本業以定民志十一曰訓子弟以禁非爲十二曰息誣告以全良善十三曰戒窩逃以免株連十四曰完錢糧

以省催科十五日聯保甲以弭盜賊十六日解  
仇忿以重身命各官於朔望日或另示期齊集  
鄉紳士民在於學宮明倫堂或各處公所選擇  
耆老手搖木鐸唱十六條目又選擇生員高聲  
宣講各條演義仍刻板刷印散給士民令家喻  
戶曉咸遵化誨是日堂中安設

上諭龍牌講案在下朝上每耆老擎第一條  
上諭牌從甬道中朗唱數回生員卽立講此條餘  
條倣此文武各官同鄉紳分東西坐聽士民在

花縣志

卷之一

禮典  
光緒十六年重刊

四十二

階墀兩旁立聽講畢各退各鄉村或遣教官親  
臨集衆宣講或該鄉紳衿里老隨時宣講如式  
舉行

鄉飲酒禮

舊制頒行圖式各府州縣每年春以正月十五  
日冬以十月初一日於儒學舉行鄉飲酒禮酒  
饌於官錢支辦豐儉得宜府州縣俱以長官爲  
主舉年高有德衆所稱讓者爲賓

明初以致仕  
官爲之後改

定用處士 朝廷率由舊章敦崇禮教舉行鄉飲凡我

長幼各相勸勉爲臣盡忠爲子盡孝長幼有序  
兄友弟恭內睦宗族外和鄉里無或廢墜以忝  
所生讀畢執事者唱司正飲酒飲畢以觶授執  
事唱揖司正邑賓僕以下皆報揖司正復位賓  
僕以下皆坐唱讀律令執事者舉律令案於堂  
之中引禮引讀律令者詣案前北向立唱賓僕  
以下皆撰立行揖禮如觶儀然後讀律令有過  
之人俱赴正席立聽讀畢復位執事者唱供饌  
案執事者舉饌案至賓前次僕次介次主次三

花縣志

卷之一

禮典  
光緒十六年重刊

四十四

賓以下各以次舉訖執事者唱獻賓主席起北  
面立執事斟酒以授主主受爵詣賓前至於席  
稍退贊兩拜賓答拜訖執事又斟酒以授主主  
受爵詣僕前置於席交拜如前儀畢主退復位  
執事者唱賓酬酒賓起僕從之執事者斟酒授  
賓賓受酒詣主前置於席稍退贊兩拜賓僕主  
交拜訖各就位坐執事者分左右立介三賓衆  
賓以下以次斟酒於席訖執事者唱徹饌候徹  
僕案訖唱僕賓以下皆行禮僕主僚屬居東賓

介三賓衆賓居西贊兩拜訖唱送賓以次下堂分東西行仍三揖出庠門而退

按先儒謂鄉飲有四一則三年賓興賢能二則鄉大夫飲國中賢者三則州長習射四則黨正蜡祭今世所行惟存一鄉大夫飲國中賢者耳夫鄉飲之名始於成周漢唐以來亦間行之然無定制至明而儀禮大備誥諭之詞警世深切其飲酒三行初請饌則歌鹿鳴次則歌魚麗及南有嘉魚又次則歌南山有

花縣志

卷之一

禮典  
光緒十六年重刊

四十五

臺皆以鐘鼓爲節司正則糾其喧嘩失禮者尊賢尚齒之風於今猶可想見云

習射

舊制天下儒學內闢射圃習射各教職訓誨生徒每月講讀經書罷則率諸生習射朔望試之其有司閒暇時亦與學官一體習射

凡射樹鵠正南北向置射位於三十步自後累加至九十步畫位謂之物每射各以鄉官爲主射射中者飲酒中的三爵中采二爵選能射者

充司射先以強弓射鵠誘射以鼓衆氣射之日  
執事者入就位請射者引主射正官及各官子  
弟士民俊秀者各就品位司射器者以弓矢置  
於正官及司射前請射者詣正官前圓揖畢引  
詣司射器前授弓矢畢引復本位司正執算入  
立於中後請射者詣司射前曰請誘射引司射  
二人耦進各以三矢播於腰帶之右以一矢挾  
於二指之間推長幼相讓年長者爲上射年幼  
者爲下射上射先進詣立位向鵠正立發矢司

花縣志

卷之一

禮典  
光緒十六年重刊

四十六

正書中投算置於中或副司正書中執旗者舉  
旗如式上射射畢退立於旁請下射詣位發矢  
取算書中舉旗如前式請射者俱引復位收矢  
者收矢復於主射者司正收所中算請射者次  
請士民俊秀射次請官員子弟射次請品卑至  
品高射其就射位發矢取算舉旗收矢復位皆  
如前式俱畢司正副司正各持算白中於主射  
官司爵者酌酒授中者如式飲訖請射者請屬  
官以下射俱畢仍奏弓矢納於司射器還詣主

射正官前圓揖乃退

按舊制尚有射器射職射位鵠之異度旗之異色執事之異司

國朝文武並重崇尚射法損益古典因時舉行茲不具錄

祈晴禱雨

邑遇久雨霽潦爲災里長投牒祈晴印官齋戒禁止屠沽同各官詣城隍廟行香拜禱每日皆然至天晴謝神乃止若遇亢旱田乾苗稿

花縣志

卷之一

禮典  
光緒十六年重刊

四十七

里長具呈禱雨印官齋戒禁止屠沽同各官紳民詣城隍廟雲雨風雷山川社稷壇及各神祠行香拜禱邑境內有靈異古蹟及方伎術士可以召雷降雨者聽民隨俗舉行必至雨澤沾足謝神乃止

救護日月

凡遇頒行日食月食期刻是日文武官先具素服集公所報初虧各官詣香案行三跪九叩首禮興復位班首官伐鼓救護執事者進鼓於長

官擊三聲衆鼓齊鳴救護報食甚各官詣香案  
前下跪片時不叩首與復位報復圓各官更朝  
服行三跪九叩首禮畢護日護月禮皆同但護  
日文武官俱在縣堂行禮護月在武官衙門行  
禮今總於縣堂行禮

祠祀

社稷壇

在縣城外半里

祭期每歲春秋仲月上戊日致祭縣官主祭僚

花縣志

卷之一

禮典  
光緒十六年重刊

四十八

屬陪祭

祭品酒三爵

帛一段

白色

和羹二鉶

黍

稻形鹽

芹菹

粟

菁菹共六邊

稷

梁

棗

醯醢

藁魚

兔醢共六豆

羊

豕一香燭一副

祭前三日獻官散齋二日於別寢致齋一日於

祭所執事人員致齋一日於祭所

散齋惟不弔喪  
常惟不弔喪

問疾不作樂  
預穢惡事

致齋惟祭事得行其餘悉斷

祭

前一日執事者引獻官至省牲位南立執事者

自門東宰牲西行過獻官前省訖執事者以豆  
二取血

正祭日將行禮起鼓初嚴遍燃庭燎香燭鼓再  
嚴執事者各序立於兩階鼓三嚴贊引引名獻  
官立俟行禮 通贊唱執事者各司其事 陪  
祭官各就位 獻官各就位 座毛血 迎神  
鞠躬拜興拜興拜興拜興平身 奠帛 行初  
獻禮 贊引唱詣盥所 詣酒罇所 司罇者  
舉罇酌酒 詣

花縣志

卷之一

禮典  
光緒十六年重刊

四十九

司社神位前 跪 奠帛 獻爵 俯伏興平  
身 詣

司稷神位前 跪 奠帛 獻爵 俯伏興平  
身 詣讀祝位 跪 通贊唱衆官皆跪 贊  
引唱讀祝 通引同唱俯伏興平身 贊引唱

復位 通贊唱行亞獻禮 儀同亞獻 但復位訖 通贊

唱行終獻禮 儀同亞獻 但復位訖 通贊唱飲福受胙

贊引唱詣飲福位 跪 飲福酒 受胙 俯  
伏興平身 復位 通贊唱鞠躬拜興拜興平

身 徹饌 送神 鞠躬拜興拜興拜興  
平身 讀祝者捧祝進帛者捧帛各詣座 望  
座 贊引唱詣望燎位 通贊唱焚帛一段  
焚帛二段 禮畢

祝文

維

某年歲次某甲子某月朔某甲子越祭日某甲  
子某府某縣知縣某等敢昭告于

司社之神

花縣志

卷之一

禮典  
光緒十六年重刊

五十

司稷之神曰惟神贊輔

皇祇發生嘉穀粒我蒸民萬世永賴時當仲

春秋

禮嚴

報告祀  
報謝祀

謹以牲帛禮齊粢盛庶品式陳明薦

尚

饗

山川壇

在縣城外半里立石主三座上書神號

中曰雲雨風雷之神 左曰境內山川之神

右曰日本縣城隍之神 列作三壇

祭期每歲春秋仲月上巳日致祭縣官主祭僚屬倍祭

祭品每壇俱同社稷惟

雲雨風雷壇 酒四爵 帛四端 各壇俱白色

山川壇酒三爵 帛二端

城隍壇酒三爵 帛一端 餘獻官陪祭齋戒

省牲三獻爵禮奠帛讀祝飲福受胙諸儀禮皆同社稷之祭茲不具錄

祝文

花縣志

卷之一

禮典  
光緒十六年重刊

五十一

某年歲次以至某官某等敢昭告于

雲雨風雷之神

境內山川之神

本縣城隍之神曰惟

神主司民物叅贊

天地化機發育有功德於古今歷代有春告之禮今當一歲之初農事將興謹以牲醴庶品用申告祭所冀風雨以時年歲豐稔民物咸遂四境皆安尚

饗

秋祭祝文 年月祭日衙門衙名同春祭款式  
惟

神主司民物叅贊

天地化機發育有功歷代相承有秋報之禮今  
農事告成謹以牲帛醴齊粢盛庶品用申報祭  
尚

饗

城隍廟

花縣志

卷之一

禮典  
光緒十六年重刊

五十二

廟中無專祭惟縣官上任先日齋宿啓祀于  
神發誓文行香或遇水旱則詣廟祭告祈禱每  
歲春秋二仲合祭于

雲雨風雷山川壇又每歲三祭邑厲壇縣官先  
期移文于

神祭日迎位壇中皆奉主祭焉

土神祠

在縣署儀門內左舊制以爲懲創之所每時節  
朔望縣官行香卽謁禮焉

旗纛廟

舊制凡各處守禦官俱於公廨後築壇立旗纛廟設

軍牙大纛神位春祭用鷺蟄日秋祭用霜降日祭品用羊一豕一帛一祝一香燭油果先期各官齋戒一日至日守禦長官武服行三獻禮若出師則取旗纛以祭班師則仍置於廟儀注仍望燎座毛血與祭社稷山川各壇同惟文官不預祭

花縣志

卷之一

禮典  
光緒十六年重刊

五十三

祝文

維 年 月 日某衙門某官某等敢昭告于旗纛之神曰惟

神之靈實壯威武某等欽承

上命守禦茲土惟今

仲春  
季秋

謹以牲醴庶品用伸

常祭尚

饗

邑厲壇

在縣城外北方一里

祭期舊制郡邑厲皆一年二祭春以三月清明  
日冬以十月初一日  
鄉厲三祭加祭七月十五日今郡邑俱照三祭  
行之

祭品用少牢羊三豕三米三石作羹飯等物

先期三日主祭官齋沐更衣用常服備香燭酒

果詣

本縣城隍神前發告文 通贊唱鞠躬拜興拜

興平身 詣

花縣志

卷之一

禮典  
光緒十六年重刊

五十四

神位前 跪 進爵 獻爵 奠爵 俯伏興

平身 復位鞠躬拜興拜興平身 焚告文

禮畢 至日設

城隍神位於壇上設無祀鬼神牌於壇下左右

稱 本縣境內無祀鬼神 解牲體置於器同

羹飯等鋪設 各鬼神位前執事者陳設畢

通贊唱執事者各就位 主祭官就位 鞠躬

拜興拜興拜興拜興平身 詣 神位前 跪

三獻酒 俯伏興平身 復位 讀祭文訖

鞠躬拜興拜興拜興平身 以祭文同  
紙錢焚訖 唱禮畢

城隍告文

廣州府花縣知縣某爲致祭無祀鬼神事案照  
遵奉

禮部劄付欽奉

聖旨普天之下后土之上無不有人無不有鬼  
人鬼之道幽明雖殊其理則一今國家治民事  
神已有定制尙念冥冥之中無祀鬼神昔爲生

花縣志

卷之一

禮典  
光緒十六年重刊

五十五

民未知何故而歿其間有遭兵刃而橫傷者有  
死於水火盜賊者有被人取財而逼死者有被  
人強奪妻妾而死者有悞遭刑禍而負屈以死  
者有天災流行而疫死者有爲猛獸毒蟲所害  
者有爲饑餓凍死者有因戰鬪而殞身者有因  
危急而自縊者有因牆屋傾頽而壓死者有死  
後無子孫者此等鬼魂或終於前代或歿於近  
世或兵戈擾攘流移於他鄉或人烟斷絕久缺  
其祭祀姓名泯沒於一時祀典無聞而不載此

等孤魂死無所依精魄未散結爲陰靈或倚草  
附木或作爲妖怪悲號於星月之下呻吟於風  
雨之中凡遇人間節令心思陽世魂杳杳以無  
歸身墮沉淪意懸懸而望祭興言及此憐其慘  
悽故勅天下有司依時享祭命本處城隍以主  
此祭鎮控壇場鑒察諸鬼等類其中有生爲良  
善悞遭刑禍死於無辜神當達於所司使之還  
生中國來享太平之福如有素爲兇頑身死刑  
憲雖獲善終亦出僥倖者神當達於所司屏之

花縣志

卷之一

禮典  
光緒十六年重刊

五十六

四裔善惡之報神必無私欽奉如此今某等不  
敢有違謹於 年 月 日於城北設壇置備  
牲酒羹飯享祭本縣無祀鬼神等衆除欽奉外  
康熙十七年三月十三日蒙

按 察使司  
嶺南巡道

憲牌據肇慶府高要縣庸民梁肇璋

呈爲體花

天德恤獄幽以種福田事備牌仰府行縣嗣後  
如祭無祀先牒移  
城隍併行獄神弔出獄幽以享郊祭久遠依行

等因蒙此遵照在案但幽明異境人力難爲必資

神力庶得感通茲特移文于

神先期分遣諸將召集本縣闔境無祀鬼靈及行各監獄神弔釋獄斃幽魂等衆至期悉赴壇所普享一祭神當欽承

勅命鎮控壇場鑒察善惡無私昭報爲此合行移牒伏請

照驗施行

花縣志

卷之一

禮典  
光緒十六年重刊

五十七

年 月

日 移

厲壇祭文

維

某年歲次某甲子某月某府某縣知縣某遵奉禮部劄付爲致祭本縣闔境無祀鬼神等衆事該欽奉

聖旨普天之下后上之士無不有人無不有鬼神人鬼之道幽明雖殊其理則一故天下之廣兆民之衆必立君以主之君總其大又設官分職

於府州縣又於每一百戶內設一里長以統領之上下之職紀綱不紊此治人之法如此天子祭

天地神祇及天下山川至各府州縣祭其境內山川及祀典神祇庶民祭其祖先及里社土穀之神上下之禮各有等第此事神之道如此尙念冥冥之中無祀鬼神者昔爲生民未知何故而歿其間有遭兵刃而橫傷者有死於水火盜賊者有被人取財而逼死者有被人強奪妻妾

花縣志

卷之一

禮典  
光緒十六年重刊

五十八

而死者有遭刑禍而負屈死者有天災流行而疫死者有爲猛獸毒蟲所害者有爲饑餓凍死者有因戰鬪而殞身者有因危急而自縊者有因牆屋傾頽而壓死者有死後無子孫者此等鬼魂或終於前代或歿於近世或兵戈擾攘流移於他鄉或人烟斷絕久缺其祭祀姓名泯沒於一時祀典無聞而不載此等孤魂死無所依精魄未散結爲陰靈或倚草附木或作爲妖怪悲號於星月之下呻吟於風雨之時凡遇人間

節令心思陽世魂杳杳以無歸身墮沉淪意懸  
懸而望祭興言及此憐其慘悽故勅天下有司  
依時享祭期於神依人而血食人敬神而知禮  
仍命本處  
城隍以主此祭欽奉如此今某等不敢有違謹  
設壇於城北以某月某日置備牲醴羹飯專祭  
本縣闔境無祀神鬼等衆靈其不昧來享此祭  
尚  
饗

花縣志

卷之一

禮典  
光緒十六年重刊

五十九

花縣山皇后土祭文

開邑

知縣王永名撰

自古聖王之有天下也喬嶽於焉効靈百神爲  
之來格絜惟

尊神實司山之雲雨猛獸之威伏往者花山榛  
莽未闢盜賊公行虎狼爲窟蓋界連數邑苦無  
專主民物之作崇崇卽

神力亦無如何也今

聖天子神威底定廓清海宇山陬僻壤靡不喁喁  
向化新立花縣建官營造固奉社稷祠春秋無

非欲福

國庇民以垂萬世無疆之澤也某受

天子命泣茲土治此民保障一方開疆闢土惟  
神與有所司凡斬荆披棘悉荷匡扶贊勸治道  
鞏我

皇圖蠻烟瘴雨之鄉悉變爲和風慶雲之所聚山  
爲盜之衆悉化爲出作入息之民所尤喜者蟲  
蛇惡物悉皆遠去虎狼異類悉皆竄伏沴氣咸  
消魍魅不作民樂堯天之世人賡舜日之長於

花縣志

卷之一

禮典  
光緒十六年重刊

六十

是咸嘖嘖頌

神庥於不衰且爲之頌曰山之中惟

神爲宗邑之害惟

神是去烟嵐不作兮災稔息虎狼遠遁兮惡物  
除盜賊永弭兮民不鷲年穀順成兮賦稅輸  
神靈守護兮萬世治我來茲土咸安處牲牲備  
兮酒醴抒

山靈降鑒兮尙其多膺乎福祉尙

饗

石銘

奉

旨建花縣虎狼盡遠竄盜賊永不生萬姓皆革面  
國賦年年足民心箇箇善從此樂堯天乾坤萬  
古奠

康熙丙寅仲夏三韓王

謹題勒石

花縣志

卷之一

禮典  
光緒十六年重刊

六十一